




सानसेयारि बड'सा

सानसेयारि "बड'सा" खरीरालाइयाव
स्माजयारि जिउजो लोब्ला थानाय रायथाय, खन्थाय,
सल', सल'बाथा आरो दावबायारि थावनि, पार्क
बाइदिनि सायाव लिबनाय लिबिबिदा बैथाय ठर/
सानसेयारि "बड'सा" खरीरालाइया खेबखानावै
फोखावगोन।

बड'सायाव लिठरनायनि हुदा खालाम,
"बड'सा" खरी नोथो, जो बैयबो आंगो खालाम।

सानसेयारि बड'सा मावखुलि

माइबं नोगोर, जोहोलाव देमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 29 July, 2025 Kokrajhar, BTC, Assam ★ Vol.-35, Issue No.125 ★ R.N.I. Regd.No.40994/91, Assam Govt. Regd. No. IPRD.40/2006/3, Rs.8/-



DHARTI AABA JANJATIYA GRAM UTKARSH ABHIYAN (DAJGUA)

**100-Bed Residential Hostels
in high/higher secondary schools**

A flagship initiative under PM's leadership



Shri Narendra Modi
Prime Minister



Dr Himanta Biswa Sarma
Chief Minister, Assam

Objectives

- Enhance educational access in remote tribal areas
- Ensure inclusive and continuous education
- Improve academic performance
- Create local employment
- Ensure community development
- Promote social & gender equity

Implementation in Assam

- 2024-25
87 Hostels | 230 Villages | ₹339 Crore
- 2025-26
122 Hostels | 312 Villages | ₹476 Crore

Total: 209 Hostels | 542 Villages | ₹815 Crore
(Unit Cost: ₹3.90 Crore) | Covers 23 Districts

Foundation Stone Laying Ceremony - July 29, 2025

By
Shri Dharmendra Pradhan
Union Minister for Education

DAJGUA - HOSTELS IN DISTRICT

BAKSA - 2 | BISWANATH - 13 | CHARAIDEO - 1 | CHIRANG - 10 | DARRANG - 2 | DHEMAJI - 31
DIBRUGARH - 3 | DIMA HASAO - 17 | GOALPARA - 4 | GOLAGHAT - 4 | HOJAI - 1
JORHAT - 1 | KAMRUP - 7 | KARBI ANGLONG - 41 | KOKRAJHAR - 21
LAKHIMPUR - 8 | MORIGAON - 1 | NAGAON - 1 | SONITPUR - 4 | TAMULPUR - 2
TINSUKIA - 6 | UDALGURI - 4 | WEST KARBI ANGLONG - 25

Marking the anniversary of the National Education Policy 2020

सुजुगिरिनि खोलोम

बर' आयजोनि दानाय लुनायखौ थुलुगां होनायनि गोनांथि

बुंस हाथै समनिप्रायनो गामिआव राइजो जाग्रा सुबुंफ्र दानाय लुनायखौ गोनां आरिमु महरै गोबाना लाबोदों । बर' माहारिनि गेजेराव बाश्रा फंसे दइ; 'जाय हिन्जावा दानाय लुनायाव आखाय गैया बे हिन्जाव सिख्ताखौ रावबो हाबा खालामा' । बाश्राया नंखाय नइ । गामिआव नखरफ्रोमबो साल-गान्दैजों समायना इसानसाली थानायमोन । मेसैं बोथोर सौफेनाय लोगो लोगो नखर नखर सि सोंनाय, नो-खन्नाय, बिनि उनाव गान्दैआव खुन्दुंखौ फान्ना सालाव दानाय । गामिआव हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन । आथिखालाव नाथाय गामिप्रव हाबहैब्ला माखु गाबनायखौ बारा खोनानो मोनलिया । मानि जाहोनाव गामिनि आइजोफ्र सि दानायखौ नागारनो हमखो, बेखौबो गोथौयै साननो गोनां जाबाय । गोदोफोर खुन्दुंखौ गाव गावनो बाइदि रोखोम मुवाजों गोमो, गोथां गोजा, गोमो दाउदै बाइदि रोखोम मुवाजों बाइदि बाइदि गाब गाना सि दानायमोन । दानिया नाथाय, हाथायाव मोननाय गोजा गोथां गोमो बाइदि रोखोम गाबनि खुन्दुं बायना दखना, जोमग्रा सिमा, बाइदि बाइदि रोखोमनि सि दावाय । गोदो गामि गामि इन्दि बिफांनि बागान खालामना एमफौ फिनानै फिथोबनिफ्राय इन्दि, खुन्दुं दिहुना इन्दि सि दानायमोन । नखराव जोमनो दोननानैबो गुबुन्नोबो फानहरोमोन । इन्दि सिनि बेसेनआ गोदोनिखुइ आथिखालाव गोबां ज'सिनबाय । गोबां रोखोमनि इन्दिसि दाना दिहुन्नो हाब्ला बेनिफ्रायबो गोबां रां मोननो हायो । बेजोंनो नखरनि गथ गथायनो लेखा-बायनो गाननाय जोमनायखौबो ज'गर खालामनो हायो । आथिखालनि सुबुंफ्र नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काश्मीर साल बाइदि बाइदि सि फोरखौसो बायना जोमसैं । सिनि फालांगि खालामनो माखासे आइजोफ्र दाउगाबोनायखौ नुनो मोनदों । आइजोफोरनि दानाय लुनायनि आफादफोर दाना लानायखौ नुनो मोनदोंसैं । बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फाननोबो लाबाय । गामिनि सिख्ताफ्रानो बे उइभिं सेन्टाराव जानो आन्थाल' रां लाना दानाय लुनाय हाबाखौ मावनो हमबाय । नाथाय बेजों उइभिंनि सोद्रोमाफ्र बेसे बां मुलाम्फ्र दैख्नांनो हादों बेबो मोनसे साननो गोनां । नुनो मोननाय बादियैब्ला उइभिंनिफ्राय दिहुनजानाय सि-जोमखौ फाननायनि थाखाय नांगौमानि गुवार रोखोमनि हाथाय गैया । नांगौ रोखोमनि गुवार हाथाय गैयाब्ला उइभिंफ्रा थांना थांनागौआ गोब्राव । हादोरनि बायहाआवबो बे रोखोमनि हाथाय थांनांगोन । जैरैख जाया, माहारिनि हारिमु आरो आरिमुखौ फोथाना लाखिनायनि लामाखौबो लानांगोन । बि.टि.सि. हालामनि बर' आइजोफ्र गोदो गोदायनिफ्राय सोलिबोनाय दानाय लुनायनि आखुखौ फोथाना लाखिनांगोन । बिटिसिनि दैदेनगिरिफ्रबो गामिफोरनि आइजोफोरखौ थुलुंगा होनानै खाथिना जाग्रा सुबुंफोरनो गानग्रा दखना गांसेनि खुन्दुं खिनिखौ जगायना सोरकार होनो हानांगोन । आथिखालनि गामिफोरनि सुबुंफोरनि हाल-साला गाहाम नँलिया । जानाय लौनायखौनो जगायनो हायाब्ला गाननाय जोमनायखौ मात्रे जगायनो हानो ? जैरैख जाया थांनाने थानायनि रहाखौ बिटिसिनि दैदेनगिरिफ्र गामिनि सुबुंफोरनो होनांगोन । बिनि लोगो लोगो माहारिनि हारिमु आरो आरिमुखौबो फोथानानै लाखिनांगोन □

दिनैनि फान्जामुधि

राशि बाइदियै मुंनि गिबि हांखो

मेघ : अ ल	बृष : ऊ ब (उ ए इ)	मिथुन : क छ (ङ घ)
कर्कट : ड ह	सिंह : म ट	कन्या : प ठ (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ञ झ)

मेघ:

गावनि नाजानायनि फिथाइखौ मोन्नो हागोन । गोसोखौ गोजोन मोनगोन । मोजां सान ।

बृष:

दिना जैरैख जाया बेलासिनि 3 रिगानिफ्राय सुखु-गोजोनखौ मोन्नो हागोन ।

मिथुन:

मावनो लानाय खामानिफोरखौ जाफूसार खालामनो हागोन । गोसोखौ गोजोन मोनगोन ।

कर्कट:

बयजोंबो मान होजानाया बांलांगोन । जिउआव जौगानाय लाबोगोन । मोजां सान ।

सिंह:

माखौबा सानानै गिखांनाय मोन्नो हागौ । गोसोखौ लोरबां दाखालाम ।

कन्या:

जेरावबो देरहानसारनायनि बोलोखौ मोन्नो हागोन । मोजां सान ।

तुला:

नख'राव मानिबा जेंना नुजाथिनो हागौ । गोसोखौ सांथि गैयै मोनगोन ।

वृश्चिक:

बे राशिनि थाखाय शुभ दिन । मोजां खामानियाव आगान सुरनो हागोन ।

धनु:

देहा-सावस्त्रिआ साबस्नांनयनइ बायदिसिना जालुनाया जोबनाय नइ । सांग्राडे थांनांगोन ।

मकर:

मोजां रोंग'थिनि थाखाय बयजोंबो बाख्याय जानो मोनगोन । मोजां सान ।

कुम्भ:

बायदिसिना जेंना थानायफोरखौ लानानै जिगायाव गोग्लैनो हागौ । गोसोखौ हमथा ।

मीन:

फारफ्रोमथिंबो मोजां । जेखि मावा सुखुखौ मोन्नो हागोन । गोजोनै सम बार होनो हागोन ।

भारतयारि बिजिरसालिफोराव 5.29

कौटि केसफोरा गोग्लैसोना दइ

गोदान दिल्ली, 28 जुलाई: भारतयारि बिजिरसालिफोराव 5.29 कौटि केसफोरा गोग्लैसोना दइ; जायखौ 21 जुलाईसिमनि मावख'यारि अन्जिमाफोरनि बादिथै माहारियारि बिजिरग्रा डाटा ग्रीड (एनजेडिजि) आव मोन्नो हायो । बिसोरनि गेजेराव 4.65 कौटि केसआ जिल्ला आरो गाहाइ बिजिरसालिफोराव गोग्लैसोना दइ आरो गोजौ बिजिरसालिफोराव 63.30 लाख केस आरो जौसिन बिजिरसालिआव 86,742 केसपोरा गोग्लैसोनानै दइ ।

आफ्रिकायाव नाव बेल्थायनाय जाथायजों

गोबां सुबुंफोरनि जिउ गोमादों



नाइजेरिया, 28 जुलाई: आफ्रिकान हादर नाइजेरियाआव गिदिर जाब्रथायनि खौराडा सोराडाव फैदों । सुलुंनि बादिब्ला, सा-गेजेर नाइजेरियाआव गंसे नाव बेल्थायनायनि जाहोनाव गोबां सुबुंफोरनि जिउ गोमानायनि सन्देह फोरमायदों । थांनाय

रबिबारखालि बिबानगिरिफोरा बे बाश्रानि खौरां होयो । बिबानगिरिफोरा फोरमायदोंदि, नाव गोदोनाय बे जाब्रथायाव बाडायैबो सा 25 सुबुंफोरनि जिउ गोमादों । सुलुंनि बादिब्ला, बे जाब्रथाया थांनाय शनिबारखालि नाइजार राइज्योनि शिरर ओन्सोलनि

13 राइज्योफोरनि मोन 63 जिल्लाफोराव 50 जौखोन्दो-

निख्रुइ बांसिन गथ 'फोरा स्टेन्टिनि मैहुर जानांदों

गोदान दिल्ली, 28 जुलाई : संसदआव दिन्थिनाय माखासे फोरमानलाइफोरनि नायबिजिरनाय बायदिब्ला, उत्तर प्रदेशनि मोन 34 जिल्लाफोरजों लोगोसे दर 13 राइज्योफोर आरो मिरुजों खुंजानाय हादतफोरनि मोन 63 जिल्लाफोराव बे बाश्राया नुजाथियोदि, अंगलबाडिफोराव मुं थिसनजानाय 50 जौखोन्दोनिख्रुइ बांसिन गथ'फोरा स्टेन्टि मैहुर जानांदों । बे नायबिजिरनायनिफ्राय मिबथिनो मोनोदि, मोन 199



जिल्लाफोराव स्टन्डिनि थाखोया 30-40 जौखोन्दोनि गेजेराव । स्टन्डिडा मोनसे

रोखोमनि गाहाम आदार मोनैयाव जायो । आइजो आरो गथ' जौगाखां बिफाननि 2025 नि

जुन दाननि गुण गोनां जाग्रा आदारनि ट्रेकारनि सायाव बिथा खालामनाय अनजिमाफोर

किम जं उननि बिनानावआ खोला

करियाखौ लानानै फोरमान खोनासंहोदों



सियल, 28 जुलाई: सा-करिया आरो खोला करियानि गेजेराव सोमोन्दोआ जोबोद जेंना गोनां जानानै फैदों । दरनै हादरफोरनि गेजेराव मोनसे नइ मोनसे बाश्राखौ लानानै टेन्सन थाबाय थायो । बेनि गेजेरजों बे बाश्राया रोखा जाना

फैदोंदि, इयुनाव दरनै हादरफोरनि सोमोन्दोआ माब्लाबाबो गाहामाव फैनाय नइ । सा करियानि दैदेनगिरि किम जं उननि बिनानावआ खोला करियानि गोदान सरकारनि बै थांखिखौ सिफायदों, जेराव बिसोर दरनै

हादरफोरनि गेडेराव गोजोन गायसन्नो थाखाय सावरायनो नाजादोंमोन । किम जंनि बिनानावआ बे थांखिखौ थांनाय समबारखालि नेवसिगारनानै बुंदोंदि, सा करियाआ खोला करियाजों सावरायनो जेबो इन्दोरेस्ट गैया । किम जं उननि बिनानाव किम य जंनि बे बिबुंथिजों रोखा जाफिनबावोदि, सा करियाआ इयुनाव खोला करिया आरो आमेरिकाजों लोगोसे जेबो रोखोमनि सोलोखान्थियारि सावरायनायनि थांखि गैया । सा करियाआ बे समाव रासियाजों लोगोसे गावसोरनि हेफाजाब होनायखौ बांहोनायनि सायाव बांसिनै नोजोर होगोसिनो दइ । जर'खागिरिफोरा बुंदोंदि, जुदि

सा करियाआ मोन्दाडोदि, रासिया-इउक्रे न दावहाया जोबनायनि उनावबो बियो रासियाजों लोगोसे गावसोरनि सोमोन्दोफोरखौ सिगांनि बादिथै लाखिनो हायाब्ला गावसोरनि आखुखौ सोलायनो हागौ । किम य जंआ बेनि सिगांबो माखासे खेब गिदिर बिबुंथि होखांबाय । जंआ बावैसो सिगां गावनि हादरखौ गुन्द्रासा हाथियारखौ उदां खालामनायखौ लानानै आमेरिका आरो एसियानि हेफाजाबगिरिफोरनि सायाव नोजोर खोख्खैदोंमोन । किम य जंआ बेखौ मोनसे सिमां सो होन्ना फोरमायदों ।□

बादिब्ला, 2015 नि 21 जुलाईसिमआव गनायथिनाय 25,843 बिजिरगिरि बिबानगिरिफोरनि अन्जिमानि रुजुनायाव गाहाइ बिजिरसालिफोराव गासैं सा 21,122 बिबानगिरिफोर दइ । बेकलकखौ बाडइ खालामनाय राहा महरै गासैं मोन 25 गोजौ बिजिरसालिफोरनि गेजेराव 5 बोसोरनिखुइ बांसिन समनिफ्राय गोग्लैसोना थांनाय केसफोरखौ बोसांनो थाखाय कमिटिफोर दानाय जादों । बेबादि कमिटिफोरखौ आथिखालाव जिल्ला बिजिरसालिफोरनि गेजेरजोंबो गायसन्नाय जादों ।

आइन आरो बिजिरग्रा राइज्यो मन्थि अर्जुन राम मेघवालआ बावैसो समाव संसदआव सुप्रिम कर्ट आरो हाइ कर्टफोराव लांदां जानानै थांनाय मासिफोरखौ सुफुंनो थाखाय दैख्नांनय सरकारि थांखिफोरनि खौरां शोयार खालामदों । मेघवालनि बादिब्ला, 2014 नि 1 मेनिफ्राय 2025 नि 21 जुलाईसिमआव सुप्रिम कर्टआव सा 70 बिजिरगिरिफोर थिसन्नाय जादों । बे समाव सा 1,058 गोदान बिजिरगिरिफोर थिसन्नाय जादों आरो सा 794 उफ्रा बिजिरगिरिफोरखौ हाइ कर्टफोराव अरायथा खालामनाय जादों ।□

कस्मेटिक सार्जरी खालाम जानाय

आइजोखौ फ्लाइटआव गाखोनो होयाखै



खुसियाव जेब्ला आइजोआ एयारपर्ट सौहैयो, अब्ला बिखौ फ्लाइटआव गाखोनो होयाखै । बे केसआ आमेरिकानि क्युस्टननिफ्राय मियामी थाडे । सार्जरी आबुं जानायनि उनाव डाक्टरआ बिखौ ट्रेभेल खालामनो गनायथि होयो । बेबायदिनो न' फैफिनायनि

एयारलाइनआ बिनि आर'ज गाबनायखौ जेबो खोनासडाखै । बे आइजोनि मुडा शतारिया बेंक्स । शतारियाआ मियामी एयारपर्टआव दिन्थिनाय आखुनि भिडिअ बानायो । बे भिडिअयाव बिखौ आनियाव मेडिकेल क्लियारेन्स दइहोन्ना बुंनाय खोनानो मोन्दों । आंनि डाक्टरआ आंनो उरां जाहाजआव गाखोनायनि गनायथि होदों । अब्लाबो आंखौ फ्लाइटआव हाबहोयाखै । शतारियानि बायदिब्ला, बिहा कस्मेटिक सार्जरी जादों । बियो सार्जरीजों लोब्बा गोनां खोरं होनो नेवसिगारो । बिनि बुंनाय बायदिब्ला, सार्जरीनि उनाव गासैं रिकभारि जानायावल' बियो थांफिननो थांखि लादोंमोन । जुदि सावस्त्रिजों सोमोन्दो गोनां जेंनाफोरनि जाहोनाव स्पिरिट एयारलाइन्सआ बिखौ फ्लाइटआव जिरायनो गनायथि होयाखै । स्पिरिट एयारलाइन्सनि बुंनाय बायदिब्ला, दावबायारिफोरनि रैखाथिया बिसोरनि गिबि गुदि बिथा । जौनि रेकर्डफोरा दिन्थियोदि, जों मेडिकेल प्रेफेन्शेनलिफ्राय बोसोन लानायनि उनावसो दावबायारिफोरखौ जिरायनो गनायथि होयो । मेडिलंकआव थांनाय जौंनि डाक्टरा फोरमायदोंदि, शतारियाआ आथिखालाव ट्रेभेल खालामनो थाखाय फिट नइ । बिनि रैखाथिनि थाखायसो बिखौ फ्लाइटआव गाखो होनो होबथानाय जादों आरो जों आथिखालाव बिनि टिकेटखौ रिफान्ड खालामना होबाय । स्पिरिट एयारलाइन्सआ शतारियाखौ प्रकटल फल खालामनो आर'ज गाबनो थांफिननो थिनो । बेरा फारसे, शतारियाआ बे एयारलाइनजों माब्लाबाबो ट्रेभेल खालामला होन्ना बुडो ।□

Name Correction

That, my actual/correct name and surname is **HIRA BASUMATARY**, which is recorded in my all relevant documents including Aadhar Card Vide No. **214492814170**.

That, in the land document, covered by Dag No. 15, Patta No.-65 situated at Balajan wherein my surname has been recorded as **HIRA MASHAHARY** instead **HIRA BASUMATARY**.

That, I do hereby declare that, **HIRA BASUMATARY** and **HIRA MASHAHARY** is the same and one identical person i.e. myself.

Smt. Hira Basumatary
W/O.- Sajib Basumatary
Vill.- Laoripara
P.O.- Haltugaon
P.S. & Dist.- Kokrajhar, B.T.R., Assam
PIN-783370

उदालगुरिआव एबसुनि आफादगिरि दिपेन बर'नि खौरांगिरि मेल खुंदों 'बिटिआरनि रैखाथि गोनां इयुन आरो बर' हारिनि सिनायथिनि थाथायखौ रैखाथिनि सार्थआव इउपिपिएल-बिपिएफखौ खौसे जानो खावलायदों'

उदालगुरि, 28 जुलाई: फैगौ बिटिआर बिसायख 'थिखौ नोजोर होनानै बिटिसि गौथुमआरि ओन्सोलाव बर' राजखान्थियारि दोलो इउपिपिएल आरो बिपिएफ दोलोनि गेजेराव लोगोआरि जानायखौ मिरु खालामनानै जर'खायै सावराय जादों। बेनि सोमोन्दै दुलाराय बर' फरायसा आफाद (एबसु) आ बिटिआरनि गोजोन आरो खौसेथिनि थासारि सोरजिनायाव मोन्नेबो ओन्सोलआरि राजखान्थि दोलोनि गेजेराव लोगोआरि जानायनि बिथिडाव गेजेरारि खामानि



मावग्रानि बिफाव आजावहोदों। आथिखालनि समाव फिन मोननैबो दोलोनि गेजेराव बान्था दान्थेलायनाय

थासारि सोमजिनायनि फारसे नोजोर होनानै दिनै समबारखालि एबसुनि आफादगिरि दिपेन बर'आ

उदालगुरि जिल्ला एबसुनि मावखुलियाव मोनसे खौरांगिरि मेल खुंदों। बिथाडा खौरांगिरि मेलाव फोरमायदोंदि, गासै 34 बोसोरारि बर' सोमावसारनायनि फिथाइ महैरै दाजानाय मोननै बर' ओन्सोलआरि राजखान्थि दोलो बिपिएफ आरो इउपिपिएलनि खौसे जानायखौ बिटिआरनि थागिरि साफ्रोमबो बर' राइजो-राजाफोरनि अनगायैबो गुबुन-गुबुन हारियारिनि राइजो-राजाफोरबो गोसो-गोर्बोर्बो हास्थायदों। बिटिआरनि रैखाथि गोनां इयुन

आरो बर' हारिनि सिनायथिनि थाथायखौ रैखाथिनि सार्थआव इउपिपिएल-बिपिएफखौ खौसे जानोबो बिथाडा खौरांगिरि मेलाव खावलायदों। गोहो खुंथाइखौ दखल खालामनायानो बर' हारियारि राजखान्थि दोलोनि नोजोर जानाया रोखा नडा। बड'फा उपेन्द्रनाथ ब्रह्मनि 'थानानै था आरो थानानै थानो हो' बिबुंथिनि फारसे मान होनानै बर' ओन्सोलआरि मोननै दोलोनि खौसे जानायनि थाखाय सानखानो बिथाडा खावलायो।

दिनै काताझारआव बड'सानि खौरांगिरि लब कुमार दासनो साबसिन्थार खौरांगिरि बान्था गथायगोन

सालबारि, 28 जुलाई: बाक्सा जिल्ला काताझार हाथाइ आन्सलिक क्लब एन्ड लाइब्रेरिआ साबसिन्थार खौरांगिरिनि बान्थाखौ फोसावना होबाय। 2024-25 माइथायनि थाखाय खौरांगिरि लब कुमार दासनो साबसिन्थार खौरांगिरिनि बान्थाखौ गथायनाय जागोन। मख'नो गोनांदि, लब कुमार दासआ बाक्सा जिल्ला खौरांगिरि आफादनि नेहाथारि, सालबारि महकुमा खौरांगिरि आफादनि आफादगिरि आरो सुबुंफोरजों मोजों मोनजानाय बर' हारिनि खौरांगिरि बड'सानि सालबारिनि खौरांगिरि महैरै खामानि मावगांसिनो दड। गाबोन काताझार हाथाइ गोजों



फरायसालि सोलौंथाइ मेट्रिक आन्जाद आरो गोजौसिन गेजेरारि जोबथा आन्जादआव गुन गोनांडे उथिनो हानाय फरायसाफोरखौ मान बाउनायजों लोगोसे मोनसे सोलौंथाइयारि सांग्रांथियारि मेलबो खुंनाय जागोन होना काताझार हाथाइ आन्सलिक क्लब एन्ड लाइब्रेरिनि आफादगिरि हाफिजुर रहमान आरो नेहाथारि मानसारुल इस्लाममोनहा सुलुडाव फोरमायना होदों। हाबाफारियाव माखासे मुंदांखा सुबुंफोर सोलौंथाइगिरि आरो समाज सिबियारिफोरा सुबुंफोराबो बाहागो लाफेदों।

फरायसालि गेलेग्रा फोथारव मोनसे गोनांथार हाबाफारिनि गेजेरजों लब कुमार दासनो साबसिन्थार खौरांगिरि बान्थाखौ गथायगोन। बे मोनसे हाबाफारियावनो गोजों

कक्राझार मुलुग सोलौंसालिमायाव ड॰ गनेश चन्द्र औवारिआ भाइस चेन्वेलर महैरै बिबान आजावबाय



कक्राझार, 28 जुलाई: गिबि मन्थि ७ हिमन्त बिश्व शर्मानि फोसावनाय बायदियै एबा खोथा होनाय बायदियै कक्राझार सरकारि फरायसालिमाखौ कक्राझार मुलुग सोलौंसालि महर होनायनि उनाव दिनै गिबि भाइस चेन्वेलर महैरै सरकारि नेमखान्थि बायदियै बिबान आजावगोन प्रपेसार गनेश चन्द्र औवारिआ। दिनै कक्राझार मुलुग सोलौंसालिनि लांगोनायाव दिनै गोदानै लुफुंनया भाइस चेन्वेलरनि मावख' खथायाव सान्जा कक्राझार बियाबनि एमएलए लरेन्स इस्लारिजों लोगोसे कक्राझार मुलुग सोलौंसालिनि भाइस चेन्वेलर प्रपेसार बाबुलाल आहुजा, कक्राझार (६ बिलाइआव)

मिथिंगानि समायना एबा थासारिखौ गोदो-गोदायनि बायदि सोमजिखांहोने थाखाय साफ्रोमबो नोगोरारिफोरानो बिफां गाइनांगौ: लरेन्स इस्लारि

कक्राझार, 28 जुलाई: मिथिंगानि गोदो-गोदायनि समायना नुथाइ आरो बिसोरनि रंगिना-संगिना नुथाइखौ सोरजिफिन्नायनि थाथिजों दिनै बिटिसिनि गाहाइ मावखुलि कक्राझार नोगोरारि बिफां गाइनाय हाबाफारि लानाय जायो। मख'नो गोनांदि, कक्राझार सहरनि थाना आरो थानानि बेंखनआव थानाय नोगोरारिफोरनि मोनसे जुथायै बान्जायनायाव दिनै बिफां गाइनाय हाबाफारिखौ मावफुंनयाव बाहागो लायो ओन्सोलनि एमएलए लरेन्स इस्लारिनि अनगायैबो कक्राझार थानानि बिबानगिरि दिब'ज्यति फुकन आरो इउपिपिएलनि दैदेनगिरि देतसुं बसुमतारिजों लोगोसे दोलोनि गोबां दैदेनगिरि आरो मावथिफोरा बाहागो लायो। लोगोसेयैनो ओन्सोलनि राइजो-राजाजों लोगोसे गोबां दोलो आफादफोरनि मावथि आरो



दैदेनगिरिफोरा बाहागो लानायखौ नुनो मोन्दों। ओन्सोलनि एमएलए लरेन्स इस्लारिआ कक्राझार सहरनि गेजेराव थानाय राजमेला फोथारव बिफां फुलि गाइनाय हाबाफारिखौ बेखेवना

होनानै खौरांगिरिफोरनि गेजेरजों बुंथियोदि, गासैबो थाखोनि राइजो-राजाफोरखौ गाव गावसोरनि न'नि लांगोनाफोराव बिफां फुलि गाइनो थाखाय खावयो। बिथाडा बुंभावोदि, गुदु

हाग्राफोराव गुदु हाग्राफोरखौ दानफायनायनि जाहोनाव दिनैनि समाव अखा हायैनि जाहोनाव आबादरिफोरा आबाद मावनायाव दैनि आंखाल जानानै गोबां जेनाजों मोगा मोगि जानांदों। लोगोसेनो जिब-जुनादफोरबो जिउ खोनायाव गोबां जेनाजों मोगा-मोगि जानांदों होनानै बिथाडा बुंथियो। बेनिखायनो जों बयबो मिथिंगाखौ गोदो-गोदायनि बायदियै सोमजिखांहोने थाखाय गोदो-

गोदायनि बायदिनो समायना-रमायनायै खालामनो थाखाय जों बयबो बिफां गाइनायखौ बजबना लानांगोन होनानै बिथाडा बुंथिबावो। दिनैनि समाव मानगोनां गिबि मन्थि ७ हिमन्त बिश्व शर्माआ राइज्योनि गुबुन-गुबुन जिल्लाफोराव बिफां गाइनायनि हाबाफारि लाबोगासिनो दड। बे एके रोखोमैनो बिटिसिनि गाहाइ प्रमद बर'आबो बिटिसियाव ग्रीन बड'लेण्ड मिसननि गेजेरजों बिफां गाइनायनि हाबाफारिखौ आखायाव लादों। बिफां गाइनायखौ जोथोन लानो थाखाय मोनफ्रोमबो रेजिस्टर क्लबफोरनो 25 रोजा रं होनायबो जादों होनानै एमएलए बिथाडा बुंथिबावो। बेनि अनगायैबो सोरनिबा हाया औरोनो गोर्लैसोनानै दड्का बे हायाव बिफां गाइनाय बागान खालामनायनिबो बिथांखि आजावदों होनानै बिथाडा बुंथिबावो आरो बे बिथांखियाव बिटिसिनि साफ्रोमबो नोगोरारिफोरखौ सरकारआ आजावनाय बे बेखनायथाव बिथांखिफोरखौ मावफुंनयाव हेफाजब होने थाखाय खावलायबावो।

गोदायनि बायदिनो समायना-रमायनायै खालामनो थाखाय जों बयबो बिफां गाइनायखौ बजबना लानांगोन होनानै बिथाडा बुंथिबावो। दिनैनि समाव मानगोनां गिबि मन्थि ७ हिमन्त बिश्व शर्माआ राइज्योनि गुबुन-गुबुन जिल्लाफोराव बिफां गाइनायनि हाबाफारि लाबोगासिनो दड। बे एके रोखोमैनो बिटिसिनि गाहाइ प्रमद बर'आबो बिटिसियाव ग्रीन बड'लेण्ड मिसननि गेजेरजों बिफां गाइनायनि हाबाफारिखौ आखायाव लादों। बिफां गाइनायखौ जोथोन लानो थाखाय मोनफ्रोमबो रेजिस्टर क्लबफोरनो 25 रोजा रं होनायबो जादों होनानै एमएलए बिथाडा बुंथिबावो। बेनि अनगायैबो सोरनिबा हाया औरोनो गोर्लैसोनानै दड्का बे हायाव बिफां गाइनाय बागान खालामनायनिबो बिथांखि आजावदों होनानै बिथाडा बुंथिबावो आरो बे बिथांखियाव बिटिसिनि साफ्रोमबो नोगोरारिफोरखौ सरकारआ आजावनाय बे बेखनायथाव बिथांखिफोरखौ मावफुंनयाव हेफाजब होने थाखाय खावलायबावो।

गोदायनि बायदिनो समायना-रमायनायै खालामनो थाखाय जों बयबो बिफां गाइनायखौ बजबना लानांगोन होनानै बिथाडा बुंथिबावो। दिनैनि समाव मानगोनां गिबि मन्थि ७ हिमन्त बिश्व शर्माआ राइज्योनि गुबुन-गुबुन जिल्लाफोराव बिफां गाइनायनि हाबाफारि लाबोगासिनो दड। बे एके रोखोमैनो बिटिसिनि गाहाइ प्रमद बर'आबो बिटिसियाव ग्रीन बड'लेण्ड मिसननि गेजेरजों बिफां गाइनायनि हाबाफारिखौ आखायाव लादों। बिफां गाइनायखौ जोथोन लानो थाखाय मोनफ्रोमबो रेजिस्टर क्लबफोरनो 25 रोजा रं होनायबो जादों होनानै एमएलए बिथाडा बुंथिबावो। बेनि अनगायैबो सोरनिबा हाया औरोनो गोर्लैसोनानै दड्का बे हायाव बिफां गाइनाय बागान खालामनायनिबो बिथांखि आजावदों होनानै बिथाडा बुंथिबावो आरो बे बिथांखियाव बिटिसिनि साफ्रोमबो नोगोरारिफोरखौ सरकारआ आजावनाय बे बेखनायथाव बिथांखिफोरखौ मावफुंनयाव हेफाजब होने थाखाय खावलायबावो।

गोदायनि बायदिनो समायना-रमायनायै खालामनो थाखाय जों बयबो बिफां गाइनायखौ बजबना लानांगोन होनानै बिथाडा बुंथिबावो। दिनैनि समाव मानगोनां गिबि मन्थि ७ हिमन्त बिश्व शर्माआ राइज्योनि गुबुन-गुबुन जिल्लाफोराव बिफां गाइनायनि हाबाफारि लाबोगासिनो दड। बे एके रोखोमैनो बिटिसिनि गाहाइ प्रमद बर'आबो बिटिसियाव ग्रीन बड'लेण्ड मिसननि गेजेरजों बिफां गाइनायनि हाबाफारिखौ आखायाव लादों। बिफां गाइनायखौ जोथोन लानो थाखाय मोनफ्रोमबो रेजिस्टर क्लबफोरनो 25 रोजा रं होनायबो जादों होनानै एमएलए बिथाडा बुंथिबावो। बेनि अनगायैबो सोरनिबा हाया औरोनो गोर्लैसोनानै दड्का बे हायाव बिफां गाइनाय बागान खालामनायनिबो बिथांखि आजावदों होनानै बिथाडा बुंथिबावो आरो बे बिथांखियाव बिटिसिनि साफ्रोमबो नोगोरारिफोरखौ सरकारआ आजावनाय बे बेखनायथाव बिथांखिफोरखौ मावफुंनयाव हेफाजब होने थाखाय खावलायबावो।

अरांआव सासे गागि समाज सिबियारि एबा प्रतिदिन टाइमनि खौरांगिरि जतिन देकानि रुंसारि जानायाव गोबां दोलो आफादफोरा दुखु मोन्नाय फोरमायदों



उदालगुरि, 28 जुलाई: गेदेस्थार अरां ओन्सोलनि आबाद मावनानै जाग्रा सुतिथापार गामिनि समाजनि सासे गागि सिबियारि सुबुं एबा अरांनि प्रतिदिननि खौरांगिरि जतिन देकानि बिफा रबिराम देकानि थैनायनि उनाव बिथानि नख'शव गोबां गुन गोनां आरो सांग्रां

नोगोरारिफोरा थुबुर जाहैनायखौ नुनो मोन्दों। मख'नो गोनांदि, रबिराम देकानि थैनायनि खौरांखौ मोन्नाय लोगो-लोगोनो बिथानि नख'रनि सुबुंफोरखौ गावसोरनि गोथो दुखु मोन्नायखौ फोरमायथिनो

थाखाय ओन्सोलनि गोबां सुबुंफोरानो नुजाथिहैदों। लोगोसेनो बे खौरांखौ मोन्नानै ओन्सोलनि माखासे माहारियारि आफादनि दैदेनगिरि फारियै-दुलाराय आसाम कच राजबंसि सन्मिलनि, कच राजबंसि उन्नयन परिषद, माजबातनि एमएलए चरन बर', 36 न पासनै सेरफां बियाबनि एमसिएलएल दिपक मोर, माजबातनि गागि समाज सिबियारि रामकरन गौर, देखियाजुलि आन्सलिक पन्सायतनि आफादगिरि हेमन्त देका, अरां पुलिस थानानि बिबानगिरि सतर चन्द्र कलिता, अरांनि मख'जाथाव एनजिअ (६ बिलाइआव)

गसाइगाव रेभिनिउ सार्केल बिबानगिरिनि मावखुलियाव मिशन बैसोमुथि 2.0 नि सांग्रांथियारि हाबाफारि

गसाइगाव, 28 जुलाई: कक्राझार जिल्लानि गसाइगाव रेभिनिउ सार्केल बिबानगिरि मावखुलिनि मेल जथुमसालियाव दिनै बिटिआर सरकारनि मिशन बैसोमुथि 2.0 नि सोमोन्दै मोनसे सांग्रांथियारि मेल खुंनाय जादों। हाबाफारियाव बिटिसिनि एमसिएलए एबा महकुमा बोसोन होग्रा आफादनि चेयारमेन रेवेखा नाजीहारिआबो



बाहागो लाफेदों। हाबाफारिनि उनाव एमसिएलए रेवेरेवा नाजीहारिआ मिशन बैसोमुथि 2.0 नि गेजेरजों बिटिआर ओन्सोलनि राइजो-राजाफोरा गोबां मुलाम्फा मोनगोन होना खौरां बिजोर्नि सिगाडाव फोरमायना होयो। सांग्रांथियारि हाबाफारियाव गसाइगाव रेभिनिउ सार्केल बिबानगिरि जनाली राभाआ बाहागो लाफेदों।

इउ पि एसखौ मिरु सरकारनि एन पि एसनि सिङाव थानाय मावफारियाफोरनि थाखायल' लाबोनाय जादों: रांखान्थि मन्थि

गोदान दिल्ली, 28 जुलाई : दसिम सा 31,555 मिरुआरि मावफारियाफोरा मिरु सरकारजों लाबोजानाय जथाइ पेन्सन बिर्थांखि (इउपिएस) खौ नाजावबाय। बे बिर्थांखिया हायुंआरि पेन्सन खान्थि (एनपीएस) नि सिङाव मोनसे गुबुन राहा जाय खामानि मावग्राफोरनो गेरेन्टि पेन्सन मुलाम्फानि खाबु होयो। सरकारा बे फोरमायथिखौ 28 जुलाईआव संसदआव होदों। रिपर्टनि बायदिल्ला, रांखान्थि मन्थि निर्मला सीतारमनआ लकसभायाव बुंदोंदि, 20 जुलाई, 2025 माइथायसिमाव इउपिएसनि सिङाव 7,253 दाबिफोरखौ रेबथुमनाय जादों जायनि गेजेराव 4,978 दाबिफोरखौ होनाय जाबाय। मावख'आरि



आफादफोरनि खावलायनायाव, आर'जलाईनि जोबथा समखौ थाम सरकारा इउपिएसनि थाखाय दानसिम बारायना होदों, जाय दा 30

सेप्टेम्बर, 2025 सिम थि खालामनाय जादों। बे बिर्थांखिखौ 1 एप्रिल 2025 मायथाइनिफ्राय बाहायनाय जादों। इउपिएसनि सिङाव सा 25,756 आजिरा मोन्नाय मावख'गिरिफोरा उफ्रा मुलाम्फा मोनगोन। बेयाव बै मावख'गिरिफोर दं, जाय 31 मार्च 2025 माइथायसिम नेम एफआर 56 (जे) नि सिङाव आजिरा मोननाय, थैनाय एबा आजिरा मोननायमोन। सर्तआ बेदि, बिसोरो बाङयसिनाव 10 बोसोर सिबिथाइ आबुं खालामबाय आरो एनपीएसनि सिङाव थानांगोन। इउपिएसखौ सायख'नाय मावख'गिरिफोरा दा आजिरा मोन्नाय ग्रेच्युइटी आरो डेथ ग्रेच्युइटिनि

मोनथाइ मोनगोन। बेजों लोगोसे साखिनि समाव थैनाय, बेंगुरा एबा हायैनि बेलायाव, बिसोरो सिंसिएस (पेन्सन) नेम 2021 एबा सि.सि.एस.(सरासनस्त्रा नडै पेन्सन) नेम 2023 नि सिङावबो मुलाम्फा मोनगोन। इउपिएसआव सोफाजानाय मावफारियाफोरा 1961 मायथाइनि आयकर आयेननि सिङाव एखे खाजोनानि मुलाम्फाफोर मोनगोन जायखौ एनपिएसआव होनाय जायो। सरकारा रोखा खालामदोंदि, आथिखालाव इउपिएस बायदि मुलाम्फाखौ गुबुन पेन्सन बिर्थांखिफोर एबा गावारी सेक्टराव होनायनि जेबो सानथांखि गैया।

सा-सान्जा भारतखौ लाजिनांथाव रावनि बयनिखुइ खम बाहायग्रा ओन्सोल महैर सिनायथिदों

गुवाहाटी, 28 जुलाई : 11 बोसोरसिम सालायनाय मोनसे हादत नाडै नायबजिरनायाव सा-सान्जा भारतखौ लाजिनांथाव बाश्त्राखौ बयनिखुइ खम बाहायग्रा ओन्सोल महैर सिनायथिदों। नायबजिरगिरिफोर हादत नाडै गासै सा 70,000 सुबुंफोरखौ नायबजिरसानै मिबथियोदि, सा-सान्जा राइज्योफोरनि गासै 20-30 जौखोन्दो बाहागो लागिगिरिफोरल' अजद गोनं एबा लाजिनांथाव सोदोब बाहायनो खौरं होदों। गासै ओन्सोलाव मान-गोनं रावनि बे पेटर्नआ फोमायोदि, हरिसुयारि बेसेन, गोखों हरियारि सोमोन्दो आरो सोलौंथाइनि सायाव मान दान्दाफोरखौ महर होनो हागौ। जम्मु आरो काश्मीरआव बेनिखुइबो खम हाखौ दिखानो मोन्नायजादों, जेराव 15 जौखोन्दो फिननाय होग्राफोरा लाजिनांथाव राव बाहायनायखौ सिमान लादों। नायबजिरनाय बायदिल्ला, बे ओन्सोलनि मोन 8 राज्योफोरख इन्ड-आर्यान, तिब्बती-बर्मन, ताइ-कदाइ आरो अस्ट्र-एशियाजों लोगोसे माखासे नख'गरि रावफोरखौ रायज्त्लायो। बेराफासै, असमिया बेंगली, बर' खासि आरो मणिपुरी बायदि सरासन्स्त्रा रायज्त्लायग्रा रावफोर मोनसे जौगाखा'आरो सम्मान गोनं रावनि आबहावा सोमजिहोयो। बेनि उल्थायै दिल्लीयाव गाज्रि रावखौ बांसिन थाखोयाव दिखानो मोन्नाय जादों, जेराव 80 जौखोन्दो बाहागो लागिगिरिफोर जेब्लायबो आइजोफोरनि थाखाय लाजिनांथाव राव बाहायनाय बाश्त्राफोरखौ सिमान लादों। बेरा फासै, पान्जाब 78 जौखोन्दोजों लोगोसे नैथि जायगायाव आरो उत्तर प्रदेश आरो बिहार मोननैबो 74 जौखोन्दो खौरं होदों।

थाइलेन्ड आरो कम्बडिया हादोरनि दैदेनगिरिफोरा मालएसियाआव सावरायगोन



गोदान दिल्ली, 28 जुलाई : मुलुगनि आलादा-आलादा जेलफोरग आथिखालाव 10,574 भारतीय नोगोरारिफोरा जोबथे जानानै दं। बेनिफ्राय सा 43 सुबुंफोरखौ थैनायनि साजा खोनासं होनाय जादों। संसदआव शुक्रबारखालि बे खौरंखौ मिबथि होनाय जादों। गुबुन हादतयारि राइज्यो मन्थि किर्ति बर्धन सिंहआ लक सभायाव मोनसे सौंथिनि

फिननायाव मिबथि होयोदि, इउएइआव बयनिखुइ बांसिन अनजिमायाव भारतीय नोगोरारिफोरा जोबथे जाना दं, जेराव आथिखालाव 2,773 भारतीय नोगोरारिफोरा जोबथेसालि सिङाव दं। बेनि उनाव सौदि आर'बआव 2,379 आरो नेपालआव 1,357 केदिफोर दं। गुबुन हादतफोराव

भारतीय केडिफोरा गोबां दं, जेराव कतरआव 795, मलेशियाआव 380, कुवेतआव 342, इनाइटेड किङमआव 323, बेहरिनआव 261, पाकिस्तानआव 246, चिनआव 183 दं। माखासे हादतफोराव खालि सा 1-1 ल' भारतीय केडि दं, जेराव अंगला, बेल्जियाम, कानाडा, चिलि, मिस्र, इराक, जमैका, मरिशस, सेनेगल, सेशेल्स, कोला आफ्रिका, सुडान, ताजिकिस्तान आरो यमनआ दंफायो। थैनायनि साजा भुगिनांनाय केदिफोरनि बाश्त्रा सावरायोब्ला बयनिखुइ बांसिन सा 21 भारतीय जुथाइ आर'ब इमाइरेटआव (इउएइ) आव दं। बेनि उनाव साउडि आर'बआव सा 7, चिनआव सा 4, इन्डनेशियाआव सा 3 आरो कुवेतआव सा 2 दं।

कम्बडिया, 28 जुलाई: थाइलेन्ड आरो कम्बडियानि गेजेराव दाङ-बाजिआ थाबथानो हासिगौ। दरनै हादरनि दैदेनगिरिफोरा दाङ-बाजिखौ फोजोबनो थाखाय मालएसियाआव जथुम खुंगोन। थाइलेन्डनि गाहाइ मन्थि मावख'आ बेनि सोमोन्दै खौरं होदों। थाइसेन्ड आरो कम्बडियानि सान्थिफोरनि गेजेराव सिमनायाव थानाय 5 साननिफ्रायनो दाङ-बाजि सोलिगासिनो दङ। बे दाङ-बाजिआव दासिमआव सा 34 सुबुंफोरनि जिउ गोमाखांबाय। लोगोसे 1.68 लाख सुबुंफोरा न' गैजायै जानांबाय। थाइलेन्डनि गाहाइ मन्थि मावख'नि बुंथिगिरि जिरायु



हुआंसापआ फोस्मायदोंदि, मावफुं गाहाइ मन्थि फुमथाम वेचापाचाइ, मालएसियानि गाहाइ मन्थि अनवर इब्राहिमनि खावलायहरनायाव समबारखालि खुंनो गोनं सावरायनायाव

बाहागो लागोन। जिरायुआ बुंदोंदि, फुमथामजों लोगोसे कम्बडियानि गाहाइ मन्थि हुन मानेटआबो बे सावरायनायाव बाहागो लागोन। आथिखालाव कम्बडियानि बिबानगिरिफोरा

बेनि जेबो खौरं होयाखै। मख'नो गोनदि, थाइलेन्ड आरो कम्बडियानि सिमनायाव थानाय सप्ताहआव मोनसे सुरंगआव बेरफुनाय जाथयाव साबा थाइ सास्थिफोरा जोखोम जानायनि

उनाव दरनै हादरफोरनि गेजेराव दाङ-बाजिआ जागायदोंमोन। आमेरिकानि हादरगिरि डनाल्ड ट्रम्पआ थानाय शनिबारखालि गाव थाइलेन्ड आरो कम्बडियानि दैदेनगिरिफोरजों सावरायगोन होन्ना टूथ ससेलआव पस्ट खालामदोंमोन। बिथाङा थाइलेन्ड आरो कम्बडियानि दैदेनगिरिफोरजों सावरायनानै सुबुरुन होदोंदि, जुदि दाङ-बाजि सोलिहोबाय थायोब्ला रावबो हादरजों लोगोसे फालांगि रादाइफोराव आवगायनाय नङ। बेनि उनाव बिथाङा मोननैबो बाहागोआ दावहा दोन्थ'नायनि सायाव सावरायनो थाखाय गनायथि होबाय होन्ना बुङो।

भारतआव थाबैनो हाइड्रजेन ट्रेन खारसिगोन

गोदान दिल्ली, 28 जुलाई: भारतयारि रेलवेआ मोनसे मख'जाथाव जाफुंसारनो हादों। हादरनि गिबि हाइड्रजेनजों खारग्रा ट्रेन डाब्बाखौ जाफुंसारे आन्जाद नायो। बे आन्जाद नायनायखौ हरियाणानि जीन्दआव थानाय रेलवेनि वार्क शपआव खालामनाय जादों। रेल मन्थि अश्विनी बैष्णबआ बे जाफुंसार आन्जाद नायनायनि भिडिअखौ ससेल मिडिया हेन्डलआव शेयार खालामो। बिथाङा भिडिअखौ पस्ट खालामनानै लिरदोंदि, भारतआ आथिखालाव 1,200 एइसपि हाइड्रजेनजों सालायग्रा ट्रेन दिहन्नागसिनो दङ, जाय हादरखौ हाइड्रजेन ट्रेन टेक्निक आव मुलुगयारि



मख'जाथाव हादरफोरनि गेजेराव सोफागोन। बेयो हादरखौ रेल हान्था-मेलानि थाखाय हाइड्रजेन बाहायग्रा सायख'जानाय हादरफोरनि हान्जायाव सोफायो। सुलुनि

बादिल्ला, हाइड्रजेनजों सालायग्रा ट्रेनफोरा डिजेल आरो मोब्लिबनि साप्लाइ लाइननि सायाव सोनारनानै थाया। अदेबानि ट्रेननि बे टेक्निकआ हाइड्रजेन प्युल

सेल सिस्टेमनि सायाव खामानि मावो। ट्रेन इन्जिनआव लागायनाय टेक आव हाइड्रजेन गेस सोनाय थायो। बेराफासै अक्सिजेनखौ बारनि गेजेरजों

लानाय जायो। जेब्ला मोननैजों गोरोबलायो, अब्ला मोनसे रासायनिक हाबाफारि जागायो। हाइड्रजेन आरो अक्सिजेन गोरोबलायनायनि उनाव मोब्लिब सोमजियो, जाय मटरनो पावार होयो। सुलुनि बादिल्ला, बे ट्रेनआव बेटरिबो बाहायनाय जायो। अदेबानि गोखों स्पीडजों सालायग्रा लामायाव बेटारि बाहायनाय जायो। बे टेक्निकजों बयनिखुइ बांसिनै आबहावाआ मुलाम्फा जायो। मानोनो हाइड्रजेन ट्रेननिफ्राय कार्बन डाइ-अक्साइड एबा बिष गोनं गेस ओंखारा। बेनिखायनो बेजों आबहावाआ जेबो खहा जाया।

हाग्रा बिफानआ श्रीभुमिनि चेरागी रिजार्भेशन हाग्रायाव दखल खालामना थानायफोरखौ होखारनो नटिस फोसावदों

गुवाहाटी, 28 जुलाई : चेरागी रिजार्भ फेस्टआव आयेन बेखायै थाग्राफोरखौ होखारनो नटिस फोसावो। आवग्रिना लाग्राफोरा सैरखाथि हायाव न' बानायनाय आरो आबादिन आसाम हाग्रा नेम-खान्थि आर्टिकल 72 (सि) नि गेजेरजों आयेनारि नायबजिरनाय बिर्थांखि फोसावना हाग्रा बिफानआ श्रीभुमि जिल्ला चेरागीनि रिजार्भ फेस्ट ओन्सोलाव आयेन बेरेखा थाग्रा सुबुंफोरनो होखारनायनि नटिस फोसावयो। बिफानआ आवग्रिना लाग्राफोरखौ 1 दाननि गेजेराव हाग्रा ओन्सोलनि हाखौ खालि खालामनो बिथोन होयो। गुबुन फोसावदि हाबाफारिजों लोगोसे आयेनारि नायबजिरनायखौ जागायनाय जागोन। मावख'यारि नटिसनि बायदिल्ला बेयाव थाग्रा सुबुंफोर आयेन बेखायै सैरखाथि हाग्रानि सायाव आवग्रिना लाना न'

फासै आरो आबाद मावनो हमो, जायजों आबहावाआ ख'हा गोनं जालांनयजों लोगोसे रिजार्भ

परेस्टआ गोबां ख'हा सोलिगासिनो दं। बिफानआ सांग्राथि होबावदोंदि, बिथोनखौ

फारियैआव आसाम हाग्रा नेम-खान्थिनि आर्टिकल 72 (सि) नि गेजेरजों आयेनारि राहा लानाय

जागोन, जायजों दखल खालामनाय आरो हाग्रा ओन्सोलनि हाखौ गाज्रियै बाहयनायजों सोमोन्दो दं।

No.DDB-268/6thASFC/2025

Dtd-24/07/2025

NOTICE INVITING TENDER

Sealed Tenders are invited with affixing non refundable court fee of Rs. 8.25 (Rupees Eight and twenty-five paise) only by the undersigned B.T.C. Kokrajhar from the intending Contractors/suppliers/Firms for the works mentioned below under 6th ASFC (1st Installment) for the year 2024-25 during 2025-26.

Sl. No.	Name of Activity	Estimated value (in. Rs.)	EMD/Bid Security, (in Rs.1%ST, SC& 2% Oth)	Tender fees, (in Rs.)	Pre-bid Date & time	Last Date & Time of Bid submission	Date & Time of Bid Opening
1	Imp. of Road with Sand Graveling from No. 1 Habrubari Football field via Ansumwi Narzary House to Leptra River.	Rs.18.00,000.00	1% for reserve category & 2% for unreserve.	Rs.550.00	29/07/2025 1000 Hrs.To 1200 Hrs.	14/08/2025 1000 Hrs.To 1200 Hrs	14/08/2025 1430 Hrs.

- * The Tender document can be seen/obtained from the undersigned during Office hours a pre-bid meeting will be held as mentioned above.
- * The address for the meeting is BDC's Chamber Dotma Dev. Block Dotma. The bid will be opened in the Office of the undersigned as per the schedule mentioned above.
- * The TIA reserves the right to accepts or reject any bid/tender and to cancel/annual the bidding process and reject all bids any time prior contract award.

Sd/-

Block Development Officer
Dotma Development Block,
Dotma

WAITLIST STUDENTS:
1. Laimwn Basumatary
2. Priyanka Chetry.

Sd/-Director cum CHD
Tourism Department, BTC
Kokrajhar

IPR(BTC)/C/2025-26/2138

No.DDB-264/SYW/2025/

Date 25/07/2025

CORRIGENDUM

It is hereby informed to all the Contractors/Firms/Suppliers that due to some unavoidable circumstances the tender process for the following work is hereby reschedule on 02/08/2025 instead of 18/07/2025 which was published on "Bodosa Daily" and Dainik Agradoot. So, all the interested parties are requested to visit the office of the undersigned on or before 02/08/2025 terms and conditions remains as earlier published.

- Land Dev. With Const. of Iron Goal Post at Udangshri Club Oxiguri Playground under Gossainichina VCDC.

Sd/-

Block Development Officer,
Dotma Dev. Block, Dotma

IPR(BTC)/C/2025-26/2111NITNo.CHD/UDD/2/15thFC/Untied/1st Inst./2024/6857(a),

Dated 17-07-2025.

GOVT.PRESS NOTICE INVITING TENDER

Sealed tenders affixing court fee of Rs. 8.25 (rupees eight and paise twenty five) are invited by CHD, Urban Development Department from experienced & competent contractors for the works under **SOPD for the year 2025-26**.

Detail tender document may be obtained from the office of the undersigned during office hours till 30 July/2025 up to 3.00 pm. on payment of prescribed Bid Cost (non-refundable) for each work in the form of demand draft in favour of Principal Secretary, BTC, payable at 'Kokrajhar'.

The last date for submission of the completed tender is 29/07/2025 upto 2.00 pm and shall be opened on the same day at 3.00 pm.

Sd/-CHD,

Urban Development Department, BTC, Kokrajhar

IPR(BTC)/C/2025-26/2135

हाबाय। तरुन राम फुकननि
थाद'नाय गैयै खामानि
मावनायजों लो गोसे नबिन चन्द्र
बरदलै आरो उदांस्त्रि
सोमावसारनायाव जैरैबायदि
बिहोमा होदों बेनि सायावबो
बिथाऊ गुवारै बेखेवनामै होयो
काझार जिल्लानि लेडाय
जिल्ला बेंगिरि वादिल
इस्लामआबो बे हाबाफारियाव
बाहागो लानानै देशभक्त तरुन

इफ्फल, २८ जुलाई : फेरा बेसादन स्मारगलिन सायाव लान्श्रयै सालायनाय मोनसे मख'जाथाव अपारेशनाव मणपुर पुलिसआ खोला चुराचान्दपुर जिल्लायाव गंसे न'खौ थांखिनानै सिग्रोमनाय समाव से लाखिनखुड बांसिन होबथाजानाय टेब्लेट, जायनि सायाव 'वाल्ड' इज ३५' (डाब्लित्वाइ) जागोनखौ सन्देह' खालामनौ आरो ३९.३ लाख नोगोद रं बोखांनो हादों। मणिपुस पुलिससिन समबार कुंनि बुलेटिननि बायदिब्बा, जिल्ला पुलिससा थांखिनाय फेरा बेसादफोरखौ जब्द' खालामनायनि उनाव मोनसे बेगआव दोनखुमानाय ३९,३३,३०० नोगोद रं बोखांनो हादों। रिबबार आरो मंगलबारआव लान्श्रयै सालायनाय अपारेशननि समाव सासे स्मागलारनिफ्राय बे होबथा जानाय मुवा बेसाद आरो ५०० रॉनि नट जब्द' खालामनाय जादों, जायनि उनाव थर्मलजान एबा हन्टर (३५) मुडै सिनायंधाय जादों, जाय चुराचान्दपुर जिल्लानि सिडाव थानाय सुअंदह, एनुमुग गामिनि पुलिस रिपर्टनि बायदिब्बा, सिग्रोमनाय समाव बिसेरनि थागरा न'निफ्राय '९९९' लेबेल गोनां मुलिफोरजों बुंकबनाय मोन १० पेकें खालामनाय बान्डलखौ बोखांनो हादों। बोखांनो हानाय मुलिफोरनि बेसेना हारिमायारि ड्राप्स फालांगियाव गासै १० कौटिर रं। जायगायाव सोथि खालामनायाव नख'रनि बिगोमाया गाविन सिनायखिखौ सुअंदह, एनुमुग गामिनि खमिनथांनि फासिल्ला थर्मलजान एबा हन्टर (३५) होन्ना मिबथि होयो। बिखळै थाबैनो ग्रेटर खालामनाय जायो। □

यासुरिजौ मोगा-मोगि जानो गोनां जादौ । जिउ
खांयफोनि गेजेराव थाना थानो जेना गोनां
जादौ होन्ना बिथाडा मख'यो । बेनि थाखायनो
मिथिंगायारि महरै आगुनि महर-मुत्त्रिखौ
फैहोफिनांगौब्ला साप्रोमनो बिफां गायनायनि
बिबान आजावनगो होन्नाबै आथिखालाव
आसामनि पिबि मन्थि ऊ हिमन्त बिश्च शर्मानि
बिथांखि लानायाव रइज्योनि गुबुन-गुबुन
जायगायाव बिफां फुलि गायनायनि
हाबाफारिखौ आजावगासिनो दइ । बेबायदिनो
बिटिसिनि गाइइ मावफुं सोरोमा प्रमद बर'आ
बिटिसिआव "ग्रोन बइ'लेण्ड मिशन"नि
बिथांखियाव बिफां फुलि गायनाय हाबाफारि
आजावना जादौ । बिफां फुलि गायनाय आरो
बिफां फुलिखौ जोथोन लानो रेजिस्टर जानाय
क्लाबफोनो २५ रोजा रंखांथि अन्सुंथाइ
गथायबोदौ । बेनि अनगायैबो सोरबा नोगोरशिनि
हा-हुआ औरैनो गोलैनाई थायोब्ला बे हायाव
बिफां फुलि गायनानै हाया ओन्सोल
सोरजिनायनिबो बिथांखिखौ आजावना
लादौ होन्ना मख'नानै बिथाडा बिटिसि
नोगोरारिफोरखौ बिटिसि सरकारआ
आजावना लानाय बै बाख्नायथाव
थांखिफोरखौ मावफु नायनि थाखाय
सिगांबोनो खावलायो । □

देशभक्तखो गोसोखानांने बिर्थांनि जिउ जरिमिनन सायाव गुवारो बुंकुसारांनै होयो । बिथाड फरायसा-
फरायसुलिफोरखौ देशभक्तआ लिनाय आरो बिर्थांनि खामांनि मानवायफोरनि सायाव लिनाय
बिजबावफोरखौ फरायनो थाखाय खावलायो । बिथाड बुंवावोदि, देशभक्तनि जिउ जरिमिनआव
फासाखसे मिलेहाव जाथाइफोरखौबो बिथाड गावनि बिबुंधियाव फोरमायो । बिथाड बुडेदि, मोनसे
फिक्सा जाथाइ- महात्मा खन्धीआ आसामाव फैनांने तरुन राम फुकननि इईं रुमाव हाबनांने जिरायनाय
समाव मोसांनि मोनसे राख'खौ नुदोंमोन, बिथाड मोसांनि खर'नि फारसे नायनांने तरुन राम
फुकननि जिउ जरिमिनखौ हमदांनो हादोंमोन । महात्मा गान्धीआ सासे अहिंसांनि फुजारिमोन
बेनिखायनो तरुम राम फुकनआ गावनो रायदावनांने बुडेदि, मोसाया गावसोरनि गामिनि बारि
बागानआव मोसौ आरो बेरमा जानो फैदोंमोन, बे समावनो बेखौ बुथाराय जादोंमोन होन्ना
महात्मा गान्धीनो फोरमारयथिदोंमोन । बिर्थांनि बुंधिनायाव महात्मा गान्धीआ हमदांनो हादोंमोनिद,
बिथाड सासे सिखारोमोन । बेनिखायनो गान्धीजीआ बेनिखायनो बुंदोंमोनिद, दिनै जियेथु बेयाव
फैदों दिनैनिफ्राय आरो बेवहाय मोसाया फैनाय नंला । बे दिननिफ्रायनो तरुन राम फुकनआ सिखार
खालामनायखौ नागराथिदोन होन्ना जिल्ला बेंगिरिआ तेन राम फुकननि खहावथाव जिउ
जिरिमिनखौ फोरमारयथिना होदोंमोन । जिल्ला बेंगिरिआ जोबथारायाव बुंवावदोंदि, उदांसिनि
सिसिगांनिफ्रायनो तरुन राम फुकनआ गासै भारतबर्षजोंनो सिनाय जायोमोन । बुंनो थाडेल्ला बै
समाव बिथाड सासे सेलेब्रिटमोन, नाथाइ दिनै जों गोबाडनो बिर्थांनि सोमोन्दै मोजाडै मिथिनो
मोनाखै । नाथाइ बिर्थांनि आदर्स आरो खामांनि मानवायफोर फरायसा-फरायसुलि एबा गोदान
जोलेफोर बिर्थांनि मानवायफोरखौ उनसंनो थाखाय खावलायो । बिर्थांनि अनगायैबो थांखिजानायय
बिबुंधिगोरा एबा भारतांफविलिनि सुजुगिरि एबा बिगोमा ब्रजेन्द्र देकायाबो देशभक्त तरुन राम
फुकननि जिउ जरिमिन आरो बिर्थांनि दशभूतिन सायाव बेसेन गोसा बिबुंधि लाखियो । बिथाड
गावनि बिबुंधिनि गेजेरजों मख'योदि, सान्धौत फुकनआ आसामनि सासे बेसेनगोसा रावजोंनो
रुरुजुजायै सम्पति । बिथाड हेफाजब गैयै सोमावसारनाय समावबो बाहागो लानाने उदांसि
सोमावसारनायाव गोखों बिहोमा होबोदोंमोन । बिथाड कंग्रेसनिफराय जानागाव थानानैब्लाबो हादरनि
थाखाय गोवां बिहोमा होबोदोंमोन होन्ना बिथाड बुंधियो । □

माहाम देहानि राहा

माखासे गाबनि जोगोनाथआ सावस्त्रिनि थाखाय मुलाम्फा गोनांसिन जायो

जोगोनाथया मोनसे मैगं, जाय गासै बोथोरावनो मोननो हायो। सुबुंफोरा जोगोनाथनि थावनायखौ बारा मोजां मोनाब्लाबो बेयो मुलाम्फाजों बुंफबनाय मैगं। जिखिजायामानो, जोगोनाथ ओंखिखौ एसे मस्ला-मस्लि गोनां आरो गोथां खालामनाय जायोब्ला बेनि थावनाया जोबोद बांसिन जायो। बेनि अनगायैबो ओंखिनि थावनायाबो नोंथाडा मा रोखोमनि खुमब्राखौ बाहायगासिनो बेनि सायावबो गोबाडैनो सोनारो। हाथाइफोराव गोथां, गोमो आरो गुफुर गाबनि जोगोनाथ मोनो। नाथाय गोबां समाव, मानसिफ्रा बे बाथ्राखौ लानानै गोनो गोथो जायोदि, बबे जोगोनाथखौ बायनांगौ। हाथाइयाव नोंथाडा मोन्नाय गोथां खुमब्राया एसेल' गोरान जायो। गोथां आरो दुलुर जोगोनाथनि बायदि रोखोमआ



गोमो आरो गोलाव जोगोनाथनिफ्राय एसे गुबुन। बेनि थावनायाबो गुबुन। बेराफारसेथिं, गोमो जोगोनाथया जोबोद गिदिर आरो गिदिर बेगरफोरजों लोगोसे अरथाइयाव इसे गोलाव। जेब्ला रानो, जोगोनाथनि गाबा गोथौ गोमो-खमला गाबनि जायो। बे जोगोनाथया थावनायाव एसे गोदै। गुफुर जोगोनाथखौ 'पेथा' होन्नाबो बुंनाय जायो। इंराजिआव, बेखौ ऐश लौका बुंनाय जायो, जाय गुफुर खुमब्रा एबा बथलजों रोखोमसे। गुफुर जोगोनाथया

कुकुरबिता जिनास आरो कुकुरबिटेसिया नखरनि मैगं। गुफुर जोगोनाथयाव मोन्नाय निउट्टियेन्टफोरनि बाथ्रा बुडेब्ला बेयाव गोबां बिबांनि भिटामिन ए, भिटामिन बी6, भिटामिन-सी आरो भिटामिन-इ थायो। गुफुर जोगोनाथयाव मेगनेसियाम, फस्फ रस, आयरन, फोलेट, नियासिन आरो थायमिन बायदि खनिजफोरबो थायो। गुफुर जोगोनाथखौ गोमो आरो गोथां जोगोनाथनिखूइ बांसिन मुलाम्फा गोनां होन्ना मानिनाय जायो।

45 बोसोर सिगां नुजाथिनाय 'गेहराइ' हरर सावथुनखौ बानायनो नाडा होन्ना तान्त्रिकफोरा सांग्रांथि होदोंमोन



अजय देबगाननि सैतान सावथुनखौ बयबो नुबाय जानांगौ, जेराव काला जादुनि नुथाइखौ दिन्थिनाय जादोंमोन। सावथुना नायगिरिफोरनिफ्राय जोबोद अनसाइनाय मोन्दोंमोन। नाथाय मिबथिगौना शैतान सावथुननि 45 बोसोर सिगां मोनसे सावथुन फैदोंमोन, जायखौ मोन 6 नेशनेल बान्था देरहासाराय बिथोनगिरि अरुणा

राजेआ बानायदोंमोन। सावथुनखौ भिजय तेन्दुलकरआ लिस्दोंमोन। बे सावथुना गंसे नख'रनि काला जादुनि एक्सपिरियेन्सखौ फोरमायो। बे सावथुननि मुडा 'गेहराइ' मोन, जाय 1980 आव रिलिज जादोंमोन। बे सावथुनखौ लिस्नायनि समाव बिथोनगिरिया माखासे तान्त्रिकफोरजों लोगो हमदोंमोन, जाय बिथांखौ

काला जादुआव आखाय दाहो होन्ना नै सांग्रांथि होदोंमोन। नाथाय बिथाडा बै सावथुनखौ बानायदोंमोन, जायनि उनाव बिथांनि जिउआ लंथ-फथं जादोंमोन। बलिउड क्रिप्टनो होनाय इन्टारभिउआव गेहराइ सावथुननि बिथोनगिरि अरुणा राजेआ मिबथि होयोदि, गेहराइ सावथुननि सान्नाया बिथांखौ गावनि मोनसे पार्सनेल

फावखुंग्रि रुचि गुर्जरनि जेंनाखौ बांनाय नुनो मोन्दों

मुम्बाइनि अशिवारा पुलिस स्टेशनआव सावथुन बानायगिरि करण सिंह चौहाननि हेंथायै 24 लाख रंनि गेना-खान्थिनि अजद थिसन्नाय फावखुंग्रि रुचि गुर्जरनि जेंनाखौ बांलांनय नुनो मोन्दों। मानोना बावैसो सिगां बिथानि बे भिडिअया सोरांआव फैदों, जेराव बिथांखौ 'स लं भेली' सावथुननि प्रिमियारआव सहैना नै दावराव खालामनाय नुनो मोन्दों। भिडिअयाव बिथांखौ प्रडिउसारनि सायाव सेन्डेलजों गाग्लोबनाय नुनो मोन्दों। बेनि जाहोनाव सावथुन बानायगिरिया बिथानि हेंथायै पुलिसनो केस थिसन्दोंमोन। बबेखानि रुचि गुर्जरनि सायाव दाय जाबसिन्नाय जादोंदि, बिथाडा प्रिमियार स्व'नि समाव गावनि प्राइभेट रैखाथि होग्रा गार्डफोरजों लोगोसे जेबो गनायथि गैयालासे सिनेमा हलफोराव हाबफैदों। आरो गोबां दावराव-दावसि खालामदों। फावखुंग्रि या रयना नै सावथुन दिन्थिफुंनायाव हेंथा होनो नाजदों। बे जाथाया 25 जुलाईआव अन्धेरि




वेस्टआव थानाय सिनेपलिस सिनेमा हलआव जादों, जेराव

मोनानि 9 रिंगायाव सावथुननि प्रिमियार स्व'खौ

खुंफुंनय जादोंमोन। अजद थिसनगिरि मान लाल सिंहआ

बिथोनगिरि राकेश रशनआ गावनि सावथुन फ्लप जानायाव जोबोद इम'शनेल जादोंमोन

बलिउडआव साफ्रोमनि समआ एखे रोखोमनि थाया। माब्लाबा माब्लाबा हिट सावथुन बानायग्रा फावखुंग्रि, बिथोनगिरिफोराबो फ्लप जायो। बिथोनगिरि राकेश रशनजों लोगोसेबो बिब्दिनो जादों। बलिउडनि मुंदांखा बिथोनगिरि राकेश रशनआ 'कोइ मिल गया' कृष आरो कहो ना प्यार है बायदि सुपारहिट सावथुनफोर बानायदोंमोन। नाथाय 1997 आव नुजाथिनाय बिथानि 'कयला' सावथुना बक्स अफिसआव जर'खा मोजाडै दिन्थिफुंनो हायाखै। बे



आरो गिबि खेब कयला सावथुननि फ्लप जानायनि उनाव जादोंमोन। माखासे रिपर्टनि बायदिब्ला, कयला

सावथुननि फ्लप जानायनि उनाव राकेश रशनआ बुंदोंमोनदि, माधुरी दिक्षितखौ आथिखालाव सिगांनि बायदि नायनो समायना

फावखुंग्रि समी आलिआ इनस्टाग्रामआव मोनसे पस्ट खालामदों

सलमान खाननि एक्स गाल'फ्रेन्ड आरो फावखुंग्रि समी आलिआ रबिबारआव समाजयारि बिजोंआव आदित्य पान्चली आरो बनि फिसाज्ला सुरज पान्चलनि हेंथायै गिदिर दाय जाबसिन्ना नै मोनसे बिबुंथि शेयार खालामदों। फावखुंग्रिया इनस्टाग्रामआव मोनसे पस्ट खालामदों, जेराव बिथाडा आदित्य पान्चलिखौ मोजां नडे सुबुं होन्ना बुडो आरो बनि सायाव आइजोफोरखौ थगायनाय आरो बिसोरखौ बुनायनि दाय जाबसिन्ना नै मोनसे बिबुंथि शेयार खालामदों। फावखुंग्रि जिया खाननि थैनायनि दायनिगिरि। बिथाडा पस्टआव लिरोदि, आदित्य पान्चलि, नों आइजोफोरखौ जगायो, बिसोरखौ बुयो आरो नोंनि फिसाज्लाया जिया खाननि थैनायनि दायनिगिरि। नों माबोरै थांनानै थायो? सुरजखौबो बिब्दिनो गोजाम



आखल-आखुफोरखौ फोरोंगासिनो द? नों सासा गाजि सुबुं। मिबथि होनाय जायोदि, जुन 2013 आव फावखुंग्रिया जिया खानखौ जहुआव थानाय सागर तर एपार्टमेन्टआव गावनि थाग्रा न'आवनो फासि नांनानै थानाय थासारियाव मोन्दोंमोन। बे जाथायनि उनाव बिथानि बयफ्रेन्ड सुरज पान्चलनि सायाव फावखुंग्रिखौ फालि नांनो थाखाय मोदोम फुदुंदों होन्ना दाय जाबसिन्नाय जादोंमोन। बे के सआ कर्टआव 10

बोसोरसिम सोलिदोंमोन। गोबाव सम आयेनारि खान्थिनि उनाव, 2023 माइथायाव सुरजखौ रेहाय होनाय जादोंमोन। बेनि अनगायै फावखुंग्रिया बावैसो सिगां मोनसे बिबुंथि होदोंमोन, जेराव बिथाडा फावखुंग्रि तनुश्री दत्तखौ हेफाजाब होदों। बिथाडा बुडोदि, तनुश्रीनि बुंनाय बाथ्राफोरनि सायाव फोथायनाय दं, बिथांनि न'आव बिथांखौ जिंगा सिहोनाय जाथायफोर जादोंमोन।

राम तेरी गंगा मैली सावथुनआ बक्स अफिसआव 19 कौटि रं आर्जिदोंमोन



सावथुन मुलुगआव दासिमआव माखासे एभारग्रीन सावथुनफोरा नुजाथिखांबाय। माखासे सावथुनफोरा एरैबदिबो जायखौ नायगिरिफोरा जेब्लाबो नायनो मोजां मोनो। दिनै जों नोंथांमोननो बलिउडनि मोनसे बिब्दिनो सावथुननि सोमोन्दै मिथिहोगोन, जाय 40 बोसोर जाबाय आरो आथिखालावबो बे सावथुनखौ नायनायनि क्रेजआ जोबनानै थाडखै। बे सावथुननि मुडा राम तेरी गंगा मैली। बे सावथुनआ 25 जुलाईआव 40

बोसोर आबुं जाबाय। 1985 आव रिलीज जानाय बे सावथुनआ नायगिरिफोरनि गोसोआव जर'खा जायगा आवग्रिदोंमोन। रज कापुरनि बिथोन होनायाव बानायजानाय बे सावथुननि बाजेटआ बै समाव 1.44 कौटि रंमोन आरो बेयो बक्स अफिसआव 19 कौटि रं आर्जिदोंमोन। बे सावथुनखौ गावनि सल', मेथाइफोर आरो समाजयारि खौरांनि थाखाय आथिखालावबो गोसोखांनय जायो। बावैसो सिगां सावथुननि

फावखुंग्रि राजा मुरादआ एनडिटिभिजों लोगोसे बाथ्रा सावरायनायाव शुटिनि माखासे मुजिथावना बाथ्रा शेयार खालामदों। बिथाडा मिथिहोदोंदि, राम तेरी गंगा मैलीनि बिथोनगिरि रज कापुरआ शुटिनि समाव सेटआव डलिआव जिरायनानै फैयोमोन। बेखौ लानानै नोंथांमोनहा गोमोहाबदों जानांगौ, नाथाय बै समाव रज कापुरनि देहाया गाजि जानो हमदोंमोन। जायनि जाहोनाव बिताड थाबायनायाव

जेंना जायोमोन। राम तेरी गंगा मैली सावथुनआव मन्दाकिनी आरो राजिब कापुरआ गाहाइ फावआव दडमोन। सावथुननि सल'आ गंगा दैमानि गोथारथि आरो सासे आइजोनि जिउनि

दावबायनायनि सायाव बिथा खालामनाय। बेनि मोन्थायफोर जैरे सुन साइइबा सुन आरो एक राधा एक भिराआ आथिखालावबो सुबुंफोरनि खुगायाव दड।

महाभतार नरसिम्हा सावथुना आइएमडिबिआव 9.9 रेटिं मोन्दों

रहित सुरिनि दिहुन्नाय सैयार सावथुना रिलिज जानायनि उननिफ्रायनो समाजयारि बिजों आरो नायगिरिफोरनि गेजेराव खौरांआव थानानै दं। सुबुंफोरनि खर'निफ्राय बे सावथुना खारनायनि लुं लायाखै। नाथाय बेनि गेजेराव रिलिज जानाय 'महाभतार नरसिम्हा' सावथुनखौ दा आहान पाण्डे आरो अनिच पडडाजों बादायलायनाय नुनो मोन्दों। भारतनि माइथलजनि सायाव बिथा खालामनाय बे सावथुना आइएमडिबिआव 9.9 रेटिं मोन्दों। अश्विन कुमारनि एनिमेटेड सावथुन 'महाभतार नरसिम्हा' आ 25 जुलाई 2025



आव गिदिर पर्डाआव नुजाथिबाय। बेयो मोनसे माइथ'लजि एनिमेटेड एक्सन सावथुन, जाय माखासे जर'खा

जाहोननि थाखाय सावराय जानायनि जाहोन जादों। हलिउडआव बोसोरफ्रोमबो माखासे एनिमेटेड सावथुनफोर

बानाय जायो। नाथाय जों साबसिन भारतीय एनिमेटेड सावथुनखौ जोबोद खम नुनो मोनो, जायखौ सुबुंफोरा मोजांबो

मोनो। हनुमान, महाभारत, दा लेजेन्ड अफ बुद्धा आरो रमायण दा लिजेन्ड बायदि सावथुनफोरखौ आथिखालाव भारतीय बेस्ट एनिमेटेड सावथुनफोरनि फारिलाइयाव दंफायो। गिदिर पर्दाआव माइथलजि सावथुनफोरखौ नुनाया जेब्लायबो मोनसे गोजोन्थाव मोन्दांथि जादों। जों देब-देभिफोरनि सोमोन्दै माखासे गोबां नुयो आरो सोल्लोनो मोनो। 'महाभतार नरसिम्हा' सावथुनाव भगवान बिष्णुनि फ्राय प्रह्लादनि पुर्जनायखौ दिन्थिनाय जादों आरो दिन्थिदोंदि, माबोरैहाय भगवानआ गावनि भकतनि थाखाय नरसिंह अवतारआव सोलायो।

